

Aymara - Jiwa Kellkatanaca - Free from Death Scriptures

Romanos 6:23 Juchan wajjt'asiñapasti jiwañawa, ucampis Diosan wajjt'äwipajj wiñay jacañawa Cristo Jesús Tatitusana.

Romanos 8:2 Ajayun jacañanja, Cristo Jesús tokew nayarojj juchan munañaparjam sarnakañatja khespiyitu, uqhamarac jiwañatsa.

2 Timoteo 1:10 Ucampis jichhajj uca munasiñapaja uñacht'ayiwa Khespiyiri Jesucristosan jutäwipampi, cawquïritejj jiwañan ch'amapaja t'unjawayi khespiyasiñ arunac toke, uqhamarac jan t'unjatäcani uca jacañja khanaruw apsuraqui.

Job 5:2 Chuyma usuyasiñasa, uqhamaraqui uñisisiñasa jakerojj jiwañaruquiw apjee.

Oseas 13:14 ¿Sepulturatja jupanacar khespiyaraquïti? ¿Jiwañatsa khespiyaraquïti? ¿Jiwaña, cawquincarac t'unjiri jach'a ch'amamasti? ¿Sepulcro, cawquincaraqui jan wali lurañanacamasti? ¡Janiw aca jakenacatja juc'ampi qhuyapayascijäti!"

Salmos 9:13 Tatay, nayat qhuyapt'ayasita, uñisirinacajjan nayar t'akhesiyatap uñtanim, jiwañ puncut wayst'asita.

Job 6:26 Jumanacajj arsusitanacajjarus juchañchapjjaraquistawa, lokhe jaken parlatanacapäcaspas uqhamwa thayajj apasjjaraqui.

Job 33:22 Jacañapasa sepultura puncunquiwa, jiwañana puncupancaraquiwa.

Ezequiel 37:12,13 Jichhajj waliquiwa, ucampisa nayan sutejjaru parlam, aqham saraquim: 'Aqham siw Tatitojja: Nayan marcajja, jumanacan sepulturanacamija jist'aräwa, jumanacarojj ucat apsunjjapjjaraquïmawa, Israel orakeruw cuttayanjjapjjäma. 13 Ucatsti cunapachatejj nayajj jumanacaru sepulturanacammat irpsunjapjjäma, Israel orakerusa cuttayanjjapjjaraquïma, ucapachaw jumanacajj, nayan marcajja, Tatitütajja yatipjjäta.

Mateo 27:52 Sepulturanacas jist'artaraquïnwa; Diosar iyawsasa jiwirinacas jacatatapjjaraquitaynawa,

Génesis 2:7 Ucjjarusti Diosajj jakerojj lak'atwa luräna, nasapat phost'asinwa jacaña churaraquïna. Uqhamatwa jakejj jacjjäna.

Génesis 6:17 Nayasti mä jach'a jallu apayanï, ucasti take aca orakpachwa chhaktayani, uqhamarac aca orakenija take cunatejj jacqui ucsa k'alwa t'unjaraquini. Take cunatejj aca oraken utjqui ucanacasti jiwarapjjaniwa.

Génesis 7:15 Take animalanacaw Noempi chicajj arcariojj mantapjjäna payat payata.

Génesis 7:22 Take cunatejj oraken utjcäna, jacapcäna, samsupcaraquïna ucanacasti takew jiwarapjjäna.

Job 12:10 Take jaquirinacan jacañanacapajj jupan amparapancaraquiwa.

Job 33:4 Take ch'amani Tatitu Diosaw nayarojj uscusitu, ucatsti nayarojj ch'amapwa churaraquitu.

Hechos 17:25 Janiraquiw uca Diosajj jaken cunanaca jupataqui lurañapsa

munquiti. Jupajay take jiwasanacarojj jacañsa, samañsa, take cunanacs churchistojja.

Apocalipsis 13:15 Aca payiri jach'a ajisarcañ animalarusti, nayrakata jach'a ajisarcaña animalan diosapar jacaña churañataqui munañanïñaw churatäna, uqhamata uca diosajj parlañapataqui, uqhamarac qhitinacatejj uca diosar jan yupaychqui ucanacar jiwarayañapataqui.

Juan 10:10 Lunthatajj jutiwa lunthatasiñataqui, jiwayañataqui, tucjañataqui, ucampis nayajj juttwa jacañanipjjañamataqui, uqhamarac jilarquir jacañanipjjañamataquiaqui.

Isaías 28:15 Jumanacasti sapjjitawa: "Jiwañampejj arust'astanwa, mä arust'äwi luraractanja jiwanacan utjäwipampisa, cunapachatejj uca jach'a jan walt'añajj jutcani ucqhajj jiwañajj jan jiwasar catuntañapataqui; c'arisiñanacaruw imantasiractanja, sallkjasiñanacaru imantastanja" sasa.

Isaías 28:18 Jiwañampi arust'asitapasti ina ch'usaru tucuyatäniwa, jiwinacan utjañ chekampi arust'asitapasti ina ch'usaruw tucuni. Uca ajisarcañ jach'a jan walt'añaw jutani, ucasti jumanacarojj k'al tucjapjjätam.

Isaías 5:24 Ucatp'i jichhajj, cunjämti ninajj wichhurojj naqhantejja waña laphinacsä mäqui naqhantejja, uqhamaraquiw jumanacajj tucusipjjäta, saphitpach ñussuri alir uñtata, cunjämti pankaranacapas lak'ar tucuwayejj uqhama. Take ch'amani Tatitun, Israelan Kollan Diosapan yatichäwinacapa, arsutancapa jisc'achapjjatam laycu.

Joel 1:12 Uva yapunacajj k'alaw wañsuwayjje, higo yapunacas tucusiwayjaraquiwa. Granado kokanacasa, palmeranacasa, mansanonacasa, uqhamarac take kokanacasa k'alaw wañsuwayjje. ¡Uqhamaraquiw take jakenacana cusisiñapas chhaktawayjje!

Oseas 13:15 Israelajj mä suma pankarar uñtatäcchinisa, inti jalsu toket thayajj jutani, wasaran wali thayquis uca Tatitun thayapa, ucatsti uma jalsunacapsa, phuch'unacapsa k'alwa wañt'ayani. Uñisirimaraquiw apasjjani suma alhaja imasitanacapsa.

Apocalipsis 22:1 Ucatsti angelajj jacañ churiri mä suma k'oma jawir uñacht'ayaraquitu. Uca umasti suma ch'uwanwa vidrior uñtata, Diosampina Corderompina tronopataracwa mistunïna.

Juan 4:10 Ucjarosti Jesusajj saraquïnwa: —Cuntejj Diosajj churqui uctejj yatismajja, uqhamarac qhititejj um mayctam uc yatiraquisma ucajja, jumaw nayarojj um mayitasmajja, nayasti jacquir umwa churaraquirisma —sasa.

Juan 4:14 Ucampis qhititejj naya churcta uca umat umcani ucajja, janiw mayampis pharjayascijjaniti. Cawquïr umtejj nayajj churcta ucajja jupa pachpanwa jalsuni wiñay jacañ churañataqui.

Proverbios 13:14 Yatiñan jaken yatichäwinacapajja jacañ chuririwa, jiwañan amparapatsa khespiyaraquiwa.

Proverbios 14:27 Tatitur jach'añchas sarnakañanja jacañawa utji; jupaw khespiyi jiwañan amparapatsa.

Ezequiel 13:17-23 "Jichhasti, jake, jumajj cawquïri warminacatejj marcaman nayan sutejj-jjaru parlapqui ucanac toke sartaraquim. 18 Ucatsti saraquim:

‘Agham siw Tatitojj: ¡Ay, cunaquicani jumanacataquejja, jakenaca catunañacan sarnakasipcta ucanacataquejja; jupanacajj laykasiñ ch'okäñanac ch'ucupjje, ucanacampi amparanacaparu ch'okasipjjañapataqui, uqhamaraqui velonac lurapjje takenis ucanacampi p'ekenacap ch'okt'asiñataqui!. ¿Jumanacasti amuyapjtati marcajan utjiri jakenacan jacañanacapajj jumanacanccaspas uqhamá? 19 Jumanacajj marcajj nayrakatanwa nayarojj jisc'achapjjestá, mä jach'ta cebada laycu, uqhamaraqui mä jisc'a t'ant'a laycuraqui; jumanacajj jan juchani jakenacaruw jiwarayapjxitaja, qhitinacatejj jiwapjjañapäcän ucanacarusti janiw jiwayapcaractati. Uqhamwa jumanacajj nayan marcajjarojj sallkjapjxitaja, jumanacan c'ari arunacamar jaysapjjatap laycu. 20 Ucatpí naya Tatitojj sistja: Nayajj uca laykasiñ ch'okäñanacarojj uñisipuntwa, cawquirinactejj jumanacajj lurapcta, ucanacampisti jakenacarojj jamach'inacäcaspas uqhamwa catuntapjxitaja. Nayaw uca jakenacarojj khespiyäjja, ch'amanañamatja antutjjaraquïwa thoktawayjjapjjañapataqui. 21 Uca jakenacarusti nayaw jumanacan amparanacamatja khespiyäjja, uqhamaraqui cawquiri velonactejj p'ekenacaparu uscuntapcta ucanacatsa, janiraquiw mayampsá jupanacarojj catuntcjapjjätati. Ucapachaw jumanacajj yatipjäta nayan Tatitütajja. 22 Jumanacajj c'arisiñanacamampejj asqui jakenacarojj llajlla tucuyapjxitaja, uca lurañsti janiw nayajj muncäyätti, ucampisa ñankha lurir jakenacarojj juc'ampi ch'amañcht'apjjaractaja juc'ampi jan wali luräwinaca lurapjjañanacapataqui, uqhamat nayajj jan jupanacaru jacañ churañajjataqui. 23 Ucatpí jichhajj jumanacajj jan mayampsá uca c'ari unañchäwinacam uñjcijapjjätatejja, janiraquiw c'ari profecía arunacamsa juc'ampi parlcjapjjätati; nayaw marcajjarojj jumanacan amparanacamat khespiyäjja, jumanacasti nayan Tatitütajj- jja ucapachaw uñt'apjjaraquïta.’

Jeremías 21:8 “Jakenacarojj saraquim, naya Tatituw sista: ‘Nayajj jumanacarojj pä thaqui ajllisipjjañamataqui uscurapipjjsma: Jacañ thaquimpi, jiwaña thaquimpi.

Job 34:22 Janiwa juc'ampi ch'iyara ch'amacajj ñankha jaker imantañataquejj utjiquiti.

Salmos 16:10 Jumajj janiw jiwar catjaruyquitätati janiraquiw arquiriman janchip ñusantañaps muncätati.

Salmos 23:4 Ajjsarcay lajja ch'amac chekawja sarcasasa, janiw cunarus ajjsarcäti, nayamp chic saratam laycu: lawamasa, thujrumasa, ch'am churitani.

Salmos 30:3 Tatay, jumaw wiñay jiwañat irpsustaja, wiñay jiwañar mantquirit jactayistaja.

Salmos 49:15 Nayarusti Diosaw khespiyitani, jiwan amparapat antutnucuyitani, jupamp chicaw irpasjjarauquitani.

Salmos 56:13 jiwañat nayar khespiyatam laycu, tincuñat nayar jarc'akatam laycu, Diosan nayrakatapansti jacañ khanan sarnakañajjataqui.

Salmos 68:20 Diosasajj khespiyir Diosawa, jupaw wiñay jiwañat khespiyistaspa.

Salmos 89:48 Janiwig qhitis wiñay jaccaspati, janiwig qhitis jiwan ch'amapat khespcaspati.

Salmos 102:19,20 Tatitojj kollan utjäwipatpach uñtanïna, orakerojj kollan alajjpachatpach uñtanïna, 20 catuntatanacan aykotanacap ist'añataqui,

- jiwañatac juchañchatanacar khespiyañataqui:
Salmos 116:8 Ajayojjarojj jiwañat wayoketu, nayranacajjar jachañat apake, cayunacajjar tincuñat say'tayi.
- Proverbios 10:2 Jan wali toketa jicjjatat kamir cancañajj janiw asquïquit, ucampis cheka lurañajja jiwañat khespiyi.
- Isaías 26:19 Ucampisa juman jiwinacajja jacatatapjjaniwa, jiwat janchinacapas jacatatapjjaraquiniwa. Aca oraken iquirinacasti iquinacapatja sartapjjaniwa, cusisiñatwa arnakasipjjaraquini. Jumaw khanamija mä jallu sullar uñtat apayantajja, ucampis jiwanacajja jacatatapjjaraquiniwa.
- Juan 5:28,29 Jan muspharapjjamti ac arsutajjatja, horasajj purininiwa take jiwanacasti arupjj ist'apjjaniwa. 29 Ucatsti uca jiwanacajja jactapjjaniwa. Asqui luririnacasti wiñay jacañataquiw jactapjjani, ñankha luririnacasti juchañchatäñataquiw jactapjjani.
- Juan 10:28 Nayajj wiñay jacañwa churta, janiw cunapachas jiwapcaraquiniti, ni qhitis amparajjatja apakcaraquitaniti.
- Juan 11:43,44 Ucanac sasinsti jach'atwa art'äna: —¡Lázaro, mistunim! —sasa. 44 Jiwtasti mistuniñwa amparanacapas, cayunacapas ch'okäñanacamp ñach'antata, uqhamarac ajanupas mä tucuyompi imantataraqi. Ucjjarojj Jesusajj saraquïnwa: —Jararapjjam, sarnakpan sam —sasa.
- Juan 12:17 Jesusajj Lazaror jawscäna imäwipat mistuniñapataqui, ucatsti jiwanac taypit jactayiri uñjiri jakenacajj, yatiyapjjänwa yakhanacaru cuntejj uñjapcatayna uca.
- Juan 17:2 Jumajj Yokamarojj take jakenacjjaru ch'amanïñwa churtajja, cawquïrinactejj churcta ucanacar wiñay jacaña churañataqui.
- 1 Corintios 15:19-26 Jiwasan Cristor suyt'añasatejj aca oraken jacañasataquiquichejja, take jakenacat sipansa wali llaccañätanwa. 20 Ucampis janiw uqhamäquit. Chekpachansa Cristojj jiwanac taypitija jacatawayiwa, jupajj nayrakat achücaspas uqhamaraquiw take jiwanacat jactirinacataquejja. 21 Cunjämtejj jiwañajj aca orakenja mä sapa jaketaqui kalltejja, uqhamaraquiw jiwatat jacatatañajj mä sapa jaketa kalltaraqui. 22 Cunjämtejj Adán chachancatas laycojj take jakenacajj jiwarapjjejja, uqhamaraquiw Cristoncjasinjja take jakenacajj jacapjjani. 23 Ucampis sapa mayniw horasapar sartani. Cristow nayrakata jactejja nayrakata achur uñtata, ucjjarusti cunapachatejj Cristojj jutcani ucqhajj jupar iyawsirinacaraquiw jactapjjaraquini. 24 Ucapachawa aca oraken tucusiñapajj purinini, Cristosti k'al t'unjani take munañaninacaru, jilirinacaru, uqhamaraqui alajjpach ch'amanacaru, ucatsti Dios Awquiparuraquiwa apnakañapataqui take cuna catuyjjani. 25 Cristojj reinañapawa Diosajj take uñisirinacapar Cristompi atipjaycani ucqhacama. 26 Khepïri uñisiristi jiwañawa, ucas k'ala t'unjataraquïniwa.
- 2 Corintios 1:9,10 Jiwañar catuyata jakenacjamaw amuyasipjjäytjja. Ucampis take ucanacajj Diosar catuyasiña yatekapjjañajjataquïtaynawa, jan nanacan ch'amanacajjarojja, uca Diosaw jiwanacsa jactayejja. 10 Diosaw khespiyapjjetu, jichhas khespiyasipcaquituwa uca jach'a jiwañatjja. Juparu

- catuyasisaquiw suyt'asipcaracta, jichhas yanapasipcaquitaniwa,
- 2 Corintios 3:6 Jupasti aca machak arust'äwin jupar sirviñataquejj ch'am churapjaraquituwa. Uca machak arust'äwisti janiw cuna mä kellkataru jaysañäquiti, jan ucasti Kollan Ajayu catokasina jacañawa. Kellkat leyinacajja jiwañaruquiw api, ucampis Ajayojj jacañwa churaraqui.
- Colosenses 1:21,22 Nayrajj jumanacajj Diosat jayancasipcäyätawa chuymanacamansti Diosan uñisirinacaparaqui, jan walinac lurapjjatam laycu. Ucampis jichhajj Diosajj jupampejj sumancthapiyjjapjjitamwa, 22 Cristojj janchipan jiwatap toke. Acsti jumanacar jupa nayräjjar uñstayañataquiw luri, jan cuna k'añuni ni cuna juchansa.
- Hebreos 2:9 Ucampis Jesusarojj uñjtanwa, juparusti Diosajj angelanacat sipansa menosaruw tucuyi mä juc'a tiempotaqui. Diosajj munasiñapatwa munäna taketac jiwañapa, jichhasti jach'a cancañapampi uqhamarac jach'añchäwimpi coron'tatawa jiwañan t'akhesitap laycu.
- Hebreos 2:14,15 Mä familian wawanacapajj mä janchita, uqhamarac mä wilat jutiriquiwa; Jesusajj janchimpit wilampit jutaraqui uqhamat jiwañapataqui, ucatsti qhititejj jiwayañatac ch'amanicän ucaru t'unjañataqui, ucasti Supayawa.
- 15 Uqhamatwa khespiyat sarnakañ churi take qhitinacatejj jiwañar aijssarasin esclavjam jacasipqui take jacäwipana ucanacarojja.
- Hebreos 11:5 Enoc chachas iyawsäwi laycuw mä jacañarojj jan jiwasina aptatäjäna, janiw mayamps jicjjatcjapjjänti, Diosaw juparojj apasiwayjjatayna. Kellkatanija saraquiwa: "Janira apatäcasinija, Enoc chachajj Diosaruw cusisiyatayna" sasa.
- 1 Pedro 3:18 Cristo quipcaraquiw juchanacas laycojj jiwäwipanija t'akhesiwayeja jan mayampitaqui. Jupajj asqui jakënwa, ucampis jiwasan jan walitas laycuw t'akhesiwayi, jiwasar Diosar irpañataqui. Janchinaqui jiwatänija ucampis ajayupanija jactanjewa.
- 2 Pedro 1:3 Diosaw jach'a ch'amapampi churistu take cuntejj jacañataqui munctansa ucanacjja, uqhamarac jupar munañsa churaraquistu, qhititejj jach'a ch'amapampi, uqhamarac muspharcañ luräwinacapampi jawsquistu ucar uñt'ayasajja.
- 1 Juan 3:14 Jiwasajj jiwañat jacañaruw pasawayjitan, acsti yatiwaytanwa jilanacasaru munatas laycu. Qhititejj jake masipar jan munqui ucajja jiwataquïsquiwa.
- 1 Juan 5:11 Aca khanañchäwejja, Diosajj wiñay jacañ churistu ucawa; aca wiñay jacañasti Yokapanquiwa.
- Apocalipsis 21:6 Ucatsti saraquituwa: "Take cunas luratäjjewa. Nayätwa kalltas tucuyasa, A, Z letranacjama. Umat pharjatarusti nayajj jalsuri jacañ churir umwa inaqui churäjja.